

合阳县志

一
函
四
册
函

新修邵陽縣全志序

邵邑擅梁山洪河之勝實
元聖發迹名區春秋時子
夏又嘗退居西河則風
之厚有自來矣我

國家崇典右文作新百有餘

年而郤邑蓋士敦古處民
興於行其間多有可紀述
者按前志修自有明後雖
間有詮次而究非完書縣
令席君慨然念百年內事
迹脫畧典文闕如遂捐俸

議纂成全志而秉筆則聘
武功孫酉峯太史烏夫太
史以經術起家久樹三秦
文望本史材為撰述宜乎
搜索探討之悉歸至當矣
會仲秋席君持所撰稿本

來謁並問序於余其志卷
凡六又雜記一述地理建
置田賦則沿革廢興指陳
皆有確據次官師人物選
舉則核實撮要多寓勸懲
殷心至雜記更收錄嚴謹

盡汰荒渺無稽而有闕政
教者靡不登載詳明信能
以經術發為文章足稱邵
邑信史將曩所謂百年待
修者而今則炳炳烺烺且
為完書矣嗟乎典文修明

惟在有能振舉之者耳余
自念守闕十載嘗思振興
文教比年緣攝篆無轄益
愧奔忙未逮而席君乃當
案牘倥偬之餘獨留心於
邑乘成茲巨製俾阿衡肇

興之地再振友教遺澤則
所以培人心風俗者良厚
而余不且慰藉素懷哉爰
於其將授梓也而為之序
時乾隆三十四年歲在己
丑八月既望

特授陝西潼商兵備兼管水
利道楚濼屠用中書



新修邵陽縣志序

志也者尚邇星輿建置祀典
田賦之由始記載官師人物
選舉風俗之代更近足備觀
風之採遠可為炯鑒之資道
與法參焉非才學識兼長不

可以為志余守馮翊歷覽各
屬志乘惟朝邑為最蓋汝慶
韓君為之著述也及展閱郃
陽舊志歷年久遠雖山川如
故而雲物自移政治損益無
所考賦役因革無可稽與夫

考節義之倫瑰竒卓犖之
極咸幽隱弗彰邵之文獻典
故幾無所藉以致鏡余正愾
然大為憾事己丑秋邵宰席
君以所脩新志走藁質余余
悅而讀之其詞簡而能括事

詳而不支義理密察文質相
宜深得龍門筆旨誰為之武
功西峰孫太史也然非賢令
尹敦禮紳士磨研編次彙集
成書將何以模今而範後耶
讀斯志觀風問俗者不待他

求而得之於此矣賞音更有
待於來茲遂書為之序
乾隆歲在己丑清秋知同州
府事襄平林文德書





南唐書集平林文海書

豫劉處林也女散髮賦同附

李六書法卷之三

宋高宗之孫地集寶壽元年

新刻鄧陽縣全志序

邑之有志所以表彰往古風示來
茲與史之重均也余材識陋劣於
乙酉冬叨蒙

聖恩簡用承乏有莘深慙竊祿惟
於民事日益孜々勉脩靖共之職
每退思時繙閱邑志知為前明

萬歷間葉大司空夢熊丞縣時
所撰述至我

朝順治十年經葉君子循重修余
又訪之故家有康熙四十年長興
錢君萬選與其友王或菴源所作
宰莘退食錄初名郟陽新志其
自序云志成而衆不以為然故未

付鐫迄今百有餘年矣思急輯
之又不敢苟且從事且奉有修
志令紳士自行編纂之檄是以
有志未逮戊子秋適紳士語余曰
卻有三事令舉其二尚遺其一余
即詢其說咸云曩則

文廟傾圮今已改觀矣書院肆

業諸生昔無膏火今已增置之
矣惟邑志久未續脩是為缺
典耳茲我同人願解囊橐各任
厥事至秉筆者非武功孫太史
西峯先生不可也惟公遣一使通
尺書能延之來則幸矣余聞而
愀然有慙色所云志未逮者令紳

士則歆先我而為之職斯土者又
奚各此薄俸而弗飲其所事乎

矧太史文品重閩中又余素心
欽慕者於是幣聘再三幸從
所請令春正月命車以迎仲春
六日至郟纂修閱三月而遂成余
聞前明康對山之志武功韓五

泉之志朝邑冠冕一代讀者莫
不津津稱善焉今讀太史句陽
之志詞簡而意該事詳而理著
於舊志則存其是者刪其非者
經文締義綱舉目張凡鄙之地
理建置田賦與夫官師人物選
舉靡不詳畧得體條理井然而

於六篇外又以襍記終之免滄海
遺珠之憾直與康韓前哲並追
史漢實一時千載之鉅作也豈
特為邨幸哉余今而後庶可
鑑古徵今審幾察物以為行政
之資罔報

聖恩於萬一而多士所謂三事尚遺

其一者今亦舉之矣爰付棗梨
弁余言以為序

乾隆三十四年歲次己丑八月既
望中州席奉乾書



新刻郟陽縣全志序

關中郡邑志之善者武功朝
邑為最則以康對山韓五泉
兩先生傳也郟陽志自前明
大司空葉華雲先生丞縣時
纂輯舊亦稱善
國朝順治初姑蘓葉公重修稍

失其本色越數十年長興錢
公又增修之未付梓而去後
雖訂有宰莘退食錄然別為
一書難以言志百二十年來
邵之士風人物幾乎失傳中
州見山席侯宰邵之五年實
心實政百廢俱興尤以邑乘

未修商之諸紳士敦請武功
太史孫酉峯先生秉筆酉峯
先生者三秦重望也先是講
學開中蘭山兩書院後學就
其裁成者莫不悅服桂林相
國撫陝時深敬禮焉先生講
學之餘嘗評註武功志以挾

對山精蘊為世所珍則其洞
然於志法者久矣今於仲春
來邨開館纂修閱三月書成
余受而讀之見其質文相麗
而脉絡貫通七篇直如一篇
至其叙事簡明立言醇正皆
本諸講學心得者蓋以程朱

之理為史漢之文不獨舉對
山五泉兩志之善兼而有之
且似過之也三長並擅五難
無譏吾邑之志其自今足以
徵信而備輜軒之采矣乎是
則賢侯之盛舉太史之鴻裁
相與有成功垂簡冊也余故

樂道其事而為之序
乾隆三十四年歲在己丑十
月朔日邑人張松友巖書



新修邵陽縣全志序

國有史總天下之紀綱體嚴以重
其載筆宜簡邑有志記方隅之風
物體典以該其綜事宜詳雖詳簡
有不同而據事直書取徵信於天
下後世則一也故志之修與史書
等其間著因革辨土宜列官方崇

實行揚善懲惡表章風化固不可
以不修而亦非可以易修也吾邑
舊志迄今已歷百有餘年矣遭逢
聖代隆平日久中間生齒之繁創置
之廣科目人才之盛其待增益釐
正者豈自今乎顧治斯邑者每不
暇及也邑侯席公蒞任明農課士

外修學宮營書院膏火一切廢墜
俱舉而於志又恐其愈久而愈湮
也毅然以纂輯為任即於己丑春
禮延武功孫太史酉峯先生秉筆
撰次志也而幾於史矣亦惟邑侯
席公公能獨斷無旁撓之虞精搜
隱微無遺失之意大者徵諸學校

不致徇私而鮮實小者訪及輿論
毋使意見之參差與除沼革因乎
時而勦襲雷同之弊絕疆域版圖
從其舊而紛更同異之見消其大
意則主乎善善長而惡惡短寧寬
無嚴專怨無刻寧近乎情無絕乎
物此即寓忠厚於刑賞中也書既

成余披讀二過見其直而不阿贍
而有法信而可徵足以示勸懲而
脩鑒戒是誠於不可不修不可易修
者而能修之也夫錢穀兵刑煩劇
已甚公涖任數年政教之餘諸廢
俱興而又從容及此其治卻可知
矣因忘其固陋援筆而為之序

乾隆三十四年初秋九日邑人王

錫年喬生書

郃陽縣境圖

東交臨晉縣界四十里

東南交蒲州府界五十里



北交... 五里

里十五界

廟高太

宮仙望

場武演

廟武演

廟武壯

丹陽河



坊南

廟部三

鎮庄蔡

庄家和

場候尚

鎮露
甸井

鎮庄吳

鎮庄吳

里十五界界朝交南

邵陽縣全志目錄

武功孫景烈孟揚撰次

邑令席奉乾湯若參閱

卷之一

地理第一

建置第二

卷之二

田賦第三

官師第四

卷之三

人物第五

卷之四

選舉第六

雜記第七

起。法似制而實有所本

序曰自古郡邑志蓋各因其地以爲書而歷代沿革與夫疆域山川皆所當先也故首地理地理若視諸掌則建置

之度地而興者如城郭官署廟祠學宮可類及矣故次建

山分說此則申說各有制義而此義爲長

置有建置則教養可施而養先乎教有田必有賦急公後

此義從來作者未見及

私風俗之原亦在於此故次田賦夫田賦寓教於養顧

清陳八片

而教之者官師也官師卽次之有官師則人物輩起故八

物又卽次之。人物不盡出選舉而自選舉顯者實多。故選
舉又次之。六者具而郃陽之志其殆可徵矣。乎然猶恐其
遺也。故又以雜記拾之而終焉。凡七篇。

○名○七○篇○實○六○篇○也○細○玩○之○又○知○一○篇

郃陽縣全志卷之一

地理第一

蓋古有莘音疏臻切氏國即今之郃陽也嘗稽唐堯時無

娶有莘氏女而夏啓以莘封支子殷初伊尹耕於其野後

爲周太姒所生國詩大雅云文王初載天作之合音合

朱傳云洽水名在同州郃陽之陽在渭之涘文王嘉止大

邦有子傳云大邦莘也子太姒也據此則唐虞夏商之世郃陽爲莘國

明矣周至春秋屬晉邑史記魏世家云文侯十七年西攻

秦至鄭還築合陽洽作合確解始謂洽以水之合流得名也郃

陽縣之名見於漢書地理志其縣置自何年無考據通省志秦內

史邑縣五十有六合陽曰邑則秦後漢初廢永平二年復

分天下為郡縣時合陽尚未為縣焉魏屬馮翊音平郡晉初仍之後又廢北魏太和十一年

又復焉改屬華山郡西魏改馮翊為武鄉置武鄉郡以郃

陽隸之北周武帝置澄城郡領澄城郃陽朝邑三縣隋煬

帝復置馮翊郡統縣八郃陽其三也唐武德三年分郃陽

置河西縣後改為郃陽如故八年西韓州領之是時析韓

城置西韓州貞觀八年還屬同州五代梁割屬河中府唐

天成元年又還舊屬宋屬同州馮翊郡隸永興路熙寧四

年省夏陽為鎮入焉此夏陽并於郃陽之始金貞祐三年

又以縣屬楨州隸京兆路時韓城升為楨州也元初亦屬

亦、制、序、商、法、別、

序、卷、簡、明、妙、處、全、在、虛、字、熟、於、史、漢、者、知、之

用、制、

州已而仍屬同州隸安西路明始終因之隸西安府

國朝初亦因之雍正三年州改直隸以邵陽隸州十三年

州改府領一州及邵陽朝邑等九縣大結歷代沿革之大略

也

拱上天然

疆域廣六十里袤

昔茂東西曰廣南北曰袤

一百二十里東臨晉東南

沿革疆域形勝星野

承濟南朝邑西南及正西澄城西北洛川北宜川東北韓

城治凡四十七里今并為四十四里

里名見田賦

梁山乳羅諸

峯環相拱衛而又遶以洪河金徐諸水如帶鬱鬱蔥蔥不

可謂非形勝之區矣幅隕既濶保障是依守土者尚念之

哉舊志

明邑丞尚書葉公夢熊著

稱雍

去州分

野從井

或曰故晉地

宜從參。余昧於星學，不能以管窺定也。山有四川，有五當，分載之。

梁山在縣西北，距今縣城四十里，峰二十有四。舊志云：逶

迤音威最遠望之如屋。梁詩云：奕奕梁山，穀梁傳云：梁山

晉望也。上有石室有洞，有泉曰天井，曰龍泉，有東西谷。俗

峪二水出焉。謂金徐二水按宰莘退食錄邑令錢萬選纂王氏源訂云：大雅

韓奕箋：梁山在今左馮翊夏陽西北。夏陽今韓城也。則梁

山在韓城，不在郃陽矣。故詩傳亦以梁山爲韓鎮。然疆域

有分合，城郭有移易，而形勢因之變遷。今之梁山實郃陽

境內之梁山也。復何疑。邑令郭傳芳遊梁山記略云：山巔

山如連盤壑盤旋紆曲度期戒側上復三里許得梁山寺
背負嶺峻風鈴飄飄暮天際寺東一里依峭石爲階級狀
欹仰如雁宕歷數丈稍平過岑閣廢址畝許得二石碑磨
礱見數字惡不可視復東上二里險道欹仰如前而豁坳
危曲愈甚東西人語咫尺面答非轉拆千步不能接武緣
東而北山盡於谷黃河帶流其下直北叢嶺萬仞不可窮
究河巖出小飛峯峯下藏小洞入洞坐秦晉門戶指掌咸
具河光澎湃勇發直趨東南依練而望豫楚如見從舊及
一里卽飛峯石隈負隈開石室牖戶南向俱通明可喜戶
左靈石方尺龕入巖壁時有異光透達潛心拂照天光雲
影草石鬚髮函鑑生動於內題一詩跋曰成化十一年巡
按陝西監察御史山陰薛綱偕河南劉太僕來遊所作詩
亦成聲不及石光遠甚南望太華芙蓉皆依依北面
於下其形勢蜿蜒奕綫彷彿屋梁非晉壑而何哉

音欽欺山
不正貌

方山在縣東北距今縣城亦四十里舊志謂形若覆斗故
名然亦梁山之邈也音里而東者特異其形耳

飛浮山亦距縣城四十里在縣東河中未出水面或謂其

峯似倒而山根翻上上平如砥舊志云俗傳與水為浮沉

新志

卽宰莘退食錄原本也

云今已沒土人謂其有時而見焉金史

地理志邵陽有非山疑卽謂此然亦謂其強名為山耳舊

志又謂山有洞子夏讀書處也其說似誕而儒者亦多稱

之果百有而今沒歟

邑尚書張文敬公大有題子夏讀書

流衝不斷雲水鬱蒼茫勝地山川乘遺按檀弓及史記子

夏居西河教授為魏文侯師西河地甚廣不得獨屬邵陽

故水經注

漢桑欽撰經北魏酈道元注

所載子夏之蹟不一水經又言

河水逕子夏石室注云東南北有二石室臨側河崖卽子

夏廟室是石室明在河東而察隱謂同州河西縣有子夏
石室學堂夫河西者郃陽所分置也河西既廢則子夏之
老於西河當在郃陽矣○想○當○然○耳○明薛氏應旂曰余歷同州龍門之
龍道言子夏教授時事雖其所稱石室學堂遺址蕪沒而
尚指之謂古先聖蹟則當時之民之疑於夫子又可想見
矣

乳羅山在縣南有三峯略如筆架而中低距今縣城三十
里自縣西南官道望之似兩乳羅列狀故名舊志謂形若
乳蛇通省志又以乳羅爲蛇名俱誤相傳山巔有栢林隔
唐間伐建同州之金塔寺山遂濯濯然失其美焉
國朝順治六年知縣莊曾明復植之嘗有塔一形家謂文

峯太孤。故邑進士作音魁。倡築二墩云。

舊志未載之山有八

、過、映、用、單、句、

五

禹母山爲梁山二十四峯之一。卽所謂芙蓉峯也。俗名天

山。

武帝山。

漢武帝祀后土汾陰。驛驛於此。

距今縣城五十里。爲梁山西峯。上

有武帝祠。

孝昭時。帝見靈此山。勅有司建祠。土人每歲六月中。以八社香火祀之。

又有登仙

臺。

康孝廉乃心題詩。四首。頗佳。不勝收也。舉此見例。

山巔古栢成林。遠望之。蒼翠

蔚然。

韓山在梁山西北。距今縣城一百二十里。俗名救郎山。

趙氏孤處。有奕應侯趙文子祠。

明山在夏陽村西北。上有殿閣迴廊。

天柱山在王村鎮西北。拔地百餘丈。孤立望之若柱。上有諸神廟。廟旁多古栢。後建浮圖。東顧黃河如帶。

蓮花山在城村西。衆峯還繞如蓮瓣。遂名有泉二。

秦驛山在塔北。碁南二村東。有鶴道嶺。廣僅容尺。夾雙澗。遞迤而下。及河突起一峯。高百仞。上有叢祠。明末重修。大名知府劉昌運爲之記。下爲德豐鎮古驛地也。今廢。

福山在縣東三十里。靈村東南。孤峯聳起。環大壑。翠栢鬱然。

河。從。天。上。來。起。筆。亦。似。之。要。知。是。遙。接。川。有。五。句。說。入。
境內之水大者惟河。河爲縣之東界。卽禹貢所謂西河也。

在縣境內者。袤八十里。南接朝邑。剗反。苦。胡。春秋傳文。谷厓即剗首也。

公七年。晉敗秦師於合狐。至於剗首。即此。北接韓城。范家莊。渡有三。今縣城東。

北四十里。曰茶谷。渡入山西榮河界。正東四十里。曰夏陽。

渡入臨晉界。相傳爲韓信以木罌音英。備火。長頸。艇。濟軍處。又東。

南五十里。曰廉莊。渡入永濟界。水經云。河水逕與涇同。卻。又過也。

陽城東。指縣故城言也。餘水拖下。今入河者三。

百良水。俗名百良。河北人於水。概謂之河也。在今縣城東北四十里。源出梁。

山之東。即尖。至榆林村五十里。入於河。應。百良鎮名。原名併。

爲羊角哀左。伯桃併糧處。

橋頭水。即徐水也。在今縣城北十五里。南有卧虎岡。爲元。

岳景山讀書處

明葉公夢熊訪岳景山讀書洞詩云高踪有幾人橋頭河畔訪垂綸五株毛柳

春如舊一掬山微世自新卧虎雲深迷白日飛鴻天遠冥清塵西風昨夜吹殘夢猶寄當年未了身其水源

出梁山之東谷按水經注水東南流逕漢武帝登仙宮

一名

望仙宮武帝

又東南流

句絕疆梁石逕劉仲城北是漢祖

兒劉仲之封邑也

見建置及官師後

又東南流逕子夏陵北

陵疑在和

陽村

東至茶谷村六十里入於河

金水在今縣城西北舊志云即洽水新志從之蓋本雍勝

略而俱誤者按金水源出梁山右谷色黃如金故名去郃

故城七十里與大雅在洽之陽及水經注所謂洽水東逕

其城內東入於河者迥別矣新志云金水經城西五里更

南五里折而東謂之南溝兩厓峭峯南厓更峻仄乃同州
之北險也水東流不遠更折而南五十餘里至朝邑界乃
東入於河舊志又謂漢永平間流絕今有乾河村在縣西北三十
里其後復流邑人重之呼爲金水是說也殆因洽水絕流
誤以金水爲洽水而遂附會之歟妄引永平尤屬可哂今
按乾河村有二上乾河在縣西北距梁山數里因別支無
名水運此伏流得名其水伏流數里至下乾河復出與金
水合後數百年之疑金水未見其絕也

大浴水在今縣城西二十里源出縣西北望鄉崖下

望鄉崖在

澄城界其流甚清西南逕澄城界至劉家溝一百三十里

入洛

洽水按水經河運郃陽城東注云周威烈王之十七年魏

文侯伐秦至鄭還築汾陰郃縣郃縣二字當作合陽卽此城也故有

莘邑矣爲太姒之國詩云在洽之陽在渭之涘又曰纘女

維莘長子維行謂此也城北在當作北灋水灋音奮水源自底沸涌而

見後南去二水各數里二水疑指下其水疑指上東逕

其城內東入於河又於城南側中有灋水東南出城注於

河城南又有灋水東流東注於河水南猶有文母廟前有

碑去城一十五里水卽郃水也縣取名焉故應劭曰在郃

水之陽也據此則洽似卽郃陽故城南灋水但於洽之名

似可據矣

義無涉。且昔人專以洽名南漢水。而其餘漢水俱無洽之名焉。不可解矣。况漢水未嘗絕流。不得如詩傳所云。今流已絕也。洽陽記略邑許孝廉秉簡與從弟明經奉簡輯謂洽水在華里村西。同源而分流。一出南澗。一出北澗。至村西合焉。東逕合水橋。又東逕子夏洞。北東注於河流。絕後。明時復出。灌田數百畝。至

國朝康熙三十年。崖崩壓之。今餘流猶至橋下。而田賦上

上似與水經注異。又謂水經注南去二水各數里之二水。

即南澗北澗二水。則於水經注文義有碍。又謂以漢水爲

洽水者。謬則。又與水經注城南漢水即洽水之說左矣。然

所謂分流合流者於洽名義爲得許氏兄弟生長洽陽留
心洽之源流頗久故并及之以俟考

到底不作斷語

郟郟水名辯附

按秦始皇二十六年分天下爲三十六郡正義曰以監縣
也通省志秦郡縣考內史縣邑五十六有合陽邑是秦列
天下爲郡縣時洽流尚未絕故以洽爲合其義相通也郟
陽之郟從邑始見於漢書地理志則朱子詩傳所謂洽流
絕而去水加邑者當在秦漢之間矣前乎此書者多作合
陽不作郟陽後乎此書者皆作郟陽不作洽陽故應劭曰
在郟水之陽師古曰卽詩在洽之陽也新志謂漢初洽未

嘗絕。便謂之郃陽。竟呼洽水爲郃水。不但郃字從邑爲水。名於古人。制字之六義不符。且漢初洽未嘗絕之說。何所據乎。至謂說文洽只有狎音。霑也。并無合音。亦無水名之說。不參考他書。而獨據說文偏矣。又引長箋謂石經以郃作洽。非是。且謂唐人誤以郃爲洽。乃去邑加水。未嘗有洽絕去水加邑爲郃之說。今按。

國朝康熙字典引集韻云音閣。水名亦作郃。而於郃字音合。又云詩大雅在郃之陽。本作洽。正字通亦云郃陽之郃。本作洽。獨說文於大雅洽字作郃。或亦偶有所本。而新志專主之。故其說多異於朱傳。然皆朱傳所不據者。無

勞強牽也。

戴。上。五。水。來。

水之以漢名者他邑所罕見也。而郃陽舊有五寰宇記曰。

漢水總發源黃河西岸平地。舊志云去河僅數武。清冽迥

異。湧出地尺許。民資灌溉。稱富饒焉。一曰王村漢。在王村鎮。

一曰鯉漢。在莘里村。一曰東鯉漢。在河東。一曰渤池漢。在莘里村。一曰

夏陽漢。在夏陽村。今又有漢二。一曰熨斗漢。在莘里村。一曰小

漢。在王村鎮。各灌田若干畝。詳見田賦。

李孝廉灌有廣漢堤記。記略云水之由來藉山者十七八

其一為諸漢魁然堤脆水驕一決而潰煩人事損物力苟

且因循習為固然司理六吉公口圖始樂成一勞永逸吾

籌之久矣舊堤僅尺許乃集衆謀廣其堤以丈許為度踵

事勸功不越月而告厥成昔子瞻守杭創堤以障湖波居

民大受其利。愛而不忘。因名爲蘇堤。後之騷人逸士。游泳
流連。遂相傳名勝。漢之堤。障而高。則仍舊。培而厚。則自今。
一望如虹。繞龍盤。平平蕩蕩。不險走。而康衢矣。時或臨流
興懷。連袂踏歌。墮淵之懼。庶幾免夫。豈但水無滲泄。爲農
人之利哉。更有說焉。元聖耕莘。道樂堯舜。漢較諸
水異甚。列子所以有神。漢之說。卜耕莘野。有心哉。
漢異於泉者。爾雅云。漢大出尾下。謂其水口涌出。獨大而
其源出於底者。甚深。尾猶底也。泉則所出各異。俱見爾雅。
然亦人所共見耳。舊志泉有四。白泉。溫泉。灰泉。俱在縣東
南四十里。沒於河。聖水泉。在梁山深處。韓山。奕應侯廟。重
建時。此泉出焉。以歲時禱雨於神。挹泉水。輒應。故名。和姓
世守廟。視泉。今有北甘泉。南甘泉。在南北菜園村。其灌田
若干畝。亦見田賦。

水之不流者曰湫。

音啾。北人呼水池爲湫。

舊志有陽班湫在縣東南

五十里廉莊東崖下。唐地理志貞元四年堰洿谷水成今

湮。

湫與池別者池不盡爲泉也。舊志有官池在文廟南近城

卽儒學外泮乃雨集耳。今尚存。

○魁○用○奇○橫○之○筆○而○脈○絡○自○然○貫○通

山時川流而村鎮錯綜其間新志凡有古蹟金石遺文及

名人題詠者始載今載其要者。

東鄉三鎮其村一百二十有四距城二十里曰坊鎮有社

○種○俗○處○皆○成○極○雅○之○文○其○妙○不○可○以○言○傳○也

倉興龍寺在其東北里許有邑李孝廉灌碑文三十里曰

宋家莊舊有延福寺明萬歷四十五年改建落成寺中富

客不言姓名。留文而去。假名於邑人李月林。新志稱其文頗絕俗。然非確評。不錄。四十里曰太棗村。有翊教洞。勝區也。明巡撫王曰堯。按通省志。陝撫有王堯封。無王曰堯。過之。有記。又曰。藝村南卽舊秦莊。有伊尹墓。

國朝康熙間。學使陸德元立石表之。邑令錢萬選復修其墓焉。墓前有御道。直達三河。相傳前代命官省祭道也。舊有墓田數十頃。久爲人侵。今存者僅數畝。又曰。榆林村有藥王洞。依山臨河。洞三朝陽閣。建其上。又曰。百良村卽鎮也。有社倉。俗誤傳有左伯桃羊角哀墓。見雜記。邑王給諫

懷古詩云。杖策出村落。行行一二里。山上兩高墳。叢篠五

南見野服人歲時修祭祀狹斜多步年又曰王村亦鎮也
國覆何時已爾輩徒輕薄古人有遺物

又曰南義莊有商元聖廟邑令周聖瑞有碑又曰莘里村
有高辛氏陵又曰長陽村有光濟寺邑盧進士醇爲之記

言寺創建無考獨存宋政和年碑

南鄉鎮一其村一百有四距城七里曰楊家凹有大像寺

明邑丞葉公夢熊築華雲臺於寺內樓前有詩詩云華雲臺築秋之

中萬里一掬吹長風天外芙蓉開半落巨靈揮臂橫西東

梁山曉甍不盡態中條截嶺難爲工黃河奔自崑崙極輓

驅萬馬龍門通古來形勝稱無比勢撼大鰲摩蒼宇登臺

把酒與之對意氣跌宕爭相推我家海上蓬瀛近銀臺貝
闕扶桑業羅浮四百峯巒疊三更起視海日紅平生奇怪
頗覺歷初見此景若素逢令人錯愕徒嘆息陵原今古青
濛濛秦川圖畫倒烟鎖漢苑豪華夕照空西來天氣淨如
洗重關極塞多飛鴻孤塔影懸明月夜坐看寥廓落香楹

浮雲客路虛拋擲。澤畔難逢獨醒翁。遼東老去終何恨。
橫嶽生還遇豈窮。他年回首空陳躋。肯信江山亦轉蓬。十
里曰百里坊。有戒香寺。宋紹興四年重興者。石勒牒文云。
有開元十二年碑。二十里曰良石村。有孫真人洞。又曰寇
莊。有孫真人祠。明萬歷十七年建。邑甯明經珂爲之記。二
十五里曰秦莊頭。亦有伊尹墓。是後人誤傳者。邑丞葉公
豎碑墓前。始未之詳考耳。按里語云。生尹莊。葬秦莊。謂元
聖也。而邑有秦莊及秦莊頭二村。後人誤以秦莊頭爲秦
莊。故謂伊尹墓在此。今秦莊已廢。而伊尹墓巋然獨存。
不可誣矣。又曰新池村。有撫濟橋。舊志言萬歷十九年。邑
舉人車朴募建。時尚書葉公壽熊撫陝右。移檄助成之。村

有碑文三十里曰韓莊有興國寺唐貞觀十八年建明萬
歷二十九年重修有記四十里曰黑池村卽南鎮有社倉
又有真武廟碑文見新志不錄又曰蔡目村有興教寺相
傳創於宋至明萬歷二十一年葉公夢熊撫陝修之邑事
副使朴爲之記二十六年僧復修之爲之記者代藩山陰
王六十七翁精一子也崇正四年復修之

西鄉鎮一其村六十有四距城十里曰北蔡莊有關聖廟
碑鏤關聖篆書十五里曰山陽村有社倉二十里曰南王
村北岡有真武廟明萬歷時建大洛水縈其西左列五洞
亦勝地也山西襄垣王克靈題曰中武當相傳神像亦王

鑄者。又曰井溢村。見雜記有古刹額曰井溢壽聖。不知其始。

明正德間重修之。又曰秦城村有元耶律楚材廟墓遺址。

新志云楚材墓在北京城西。又曰北王村有石空寺。三十

里曰朱家河有爾朱達廟碑。據碑達字正道。爲唐銀青光

祿大夫檢校太子賓客兼監察御史柱國。其先沔南郡人。

達居馮翊。年二十九卒於江陵。葬澄城武安鄉。非郟陽人。

也。達之後爲朱氏。新志謂其子孫或爲朱家河人。故建廟

以祀之。是已。碑末云李穆撰。曾孫朱起鳳書。四十里曰露井。相傳村井得

瑞露而甘。故名。一曰西鎮。也有社倉。鎮西北三里許有安

司諫儼墓。又曰楊家坡有修真洞。又曰雷莊有壽聖寺。宋

熙寧三年賜額也。屋三十一間。地三百餘畝。碑牒尚存。五
十里曰大北党村。亦有壽聖寺。不知其經始。自隋煬帝臨
幸鎮之阿那寺。更名曰大雲。宋熙寧二年。賜額壽聖。金明
昌四年。復修之。邑進士趙廷實記。又曰西馬村。有防禦使
楊永慶墓。俗誤稱防禦使爲宣撫。舊有墓碑。爲人竊去。塋地數頃。與
登城壤相接。又有曹烈女粉容墓。明萬歷四十一年。縣令
郭某立石。

北鄉鎮一。其村一百有三。距城四里。曰安家莊。有石橋。通
延綏路。明萬歷四十四年。邑人喬尚隱、秦尚信、党宗善等
建也。八里曰項村。俗傳有項它墓。見雜記。十五里曰龍泉村。

村北溝內。方石上有二孔。如鼻水涌出。味甘冽。因名龍泉。

又曰橋頭河。其北有甯家灣。邑人甯寧鳩。見人居此。二十

里曰甘井。為北鎮。有社倉。鎮東五里曰仙宮村。有望仙宮。

見徐水逕其東北。俗名曰仙宮河。康孝廉乃心有仙宮河。詩二首其一。紅樹滿秋

山。亂流穿峽去。誰能古澗中。添我觀書處。其二。塞北無楓葉。吾云柿勝之。君看深淺色。可似武陵時。三十里

曰大柵村。有太微觀。去宋景祐間。雷有終建。明天順時。修

之。有記。三十五里曰文王村。有宋雷侍郎德驪墓。四十里

曰皇甫莊。有二龍寺。二水夾流。其形頗勝。

村鎮中交易者。有市集。而集分大小。市粒食者曰小集市。

諸貨物者曰大集。其市之日與縣市之日各別。縣之逐日

從村鎮市集補出縣城市

而市者水。中。記。妙。法。小集也大集則以四九日坊鎮及王村百良黑池
露井四鎮大小集同日月三惟甘井鎮間日一小集而同
家莊及伏六村烏龍凹新池村西王村朱家河楊家莊皇
甫莊八集俱與前五鎮相倣。

建置第二

古之論地利者必首城池則建置莫先於此矣。今郟陽城

據舊志西魏大統三年左馮翊刺史王羆築。按北史及後周書王羆字

熊羆京兆霸城人北魏孝武西遷羆除華州刺史文帝大統時移鎮河東始終未嘗爲馮翊刺史則築城之說亦似

未可據矣後圯至明正統十四年知縣董鎰仍築之東西二里

二百八十步南北二里一百九十步圍八里二百二十步

高二丈五尺。基濶四丈三尺。頂濶一丈二尺。正德六年知

縣張綸修門浚隍。音黃。城下池也。有門四。其上俱有譙樓。

譙音樵。城門上樓以望敵者。隍深一丈二尺。濶一丈五尺。嘉靖三十年

知縣王納策增修其卑薄者。朝邑韓尚書却奇為之記。記略

云。邠陽故城。故女塼土。歲修歲損。或妨稼穡。民苦之。閱視使者至。則飾以灰。而使者又不時至。日圯。王侯易以磚。城故有損薄者。增築之。始堅而可守。邠陽古形勝地也。被山

帶河。環以深塹。得人以守。雖數萬之衆。環攻歲月。亦末如之何也。書曰。申畫郊圻。慎固封守。隆慶二年。知縣李希松

以康四海。是豈泛然興作已乎。重建城門。內外俱甃。音絢。結以磚。稱壯麗。崇正五年。城復

圯。知縣陳箴復修之。邑紳康王政。姬鼎記。記略云。晉陽陳公蒞邠。值流賊

嘯聚。毒此一方。民公却之。民幸獲安堵。公更登城。巡視見其圯壞。慨然嘆曰。誰實作民父母。坐視城墉之墮。如此。耶

其圯壞。慨然嘆曰。誰實作民父母。坐視城墉之墮。如此。耶

力更修之崇五尺規模城闕音闕城門則崇正八年知縣

范志懋增築者名其門東曰雨粟南曰阜財西曰崇塘北

曰歸極。

國朝順治中知縣莊曾明復浚隍加深葉子循添設柵門

康熙三年知縣侯萬里重修乾隆十一年知縣朱依霍又

倡修之十三年知縣許顯森畢其役二十八年知縣梁善

長請領

帑項銀三千三百六十兩有奇督工大修焉本年報竣

城外行潦遠流於隍者曰腰帶水先是大雨時其水自梁

山來徑向城左

國朝初雷進士學謙捐貲引水分遶城右南流至淨羅廟
東逕謝家橋又東至千金塔南數折而後入河如圍帶云
今湮矣當更有因其勢而利導之者

四郭俱無門其大小不可志也東郭有奕應侯廟在舊迎
春塲距城約一里唐中和四年工部尚書譚石建宋禮部

序法簡古

侍郎王顯重修廟南有飛龍寺寺東南有文昌宮宮內北
有朱衣神祠東南有土山山上有魁星廟廟西有千金塔
萬歷己酉義民康守己輸千金創建者知縣劉應卜有記
南郭有文昌祠距城里許祠東有魁星樓祠西有二郎廟
邑李明經閩中記又有二郎廟在城南門內城南三里又

有晉文公廟。

西郭有真武廟。邑范明經堤記。

北郭有東嶽廟。邑康孝廉乃心記。廟左有孫真人祠。明魏孝廉廷揆記。廟右爲法王祠。

郟陽故城。臨河水經所謂河水逕郟陽城東是也。注謂魏文侯之築合陽卽此。括地志謂郟陽故城在河西縣南三里。新志謂河西或因郟陽城故址似矣。

漢郟陽侯劉仲城。

唐唐彦謙仲山詩云千載遺跡寄薜蘿。沛公鄉里漢山河。長陵亦是閑邱隴。異

日謙知與仲多。仲謂合陽侯也。

北臨徐水遺址。疑在坊鎮北。通省志云在

郟陽縣西二里。誤。

唐夏陽縣故城。卽河西縣城也。唐地理志。乾元三年。更河

西曰夏陽。其址在今莘里村。

唐岑參送崔汪簿赴夏陽詩云。常愛夏陽縣。往年一再過。

縣中饒白鳥。郭外是黃河。地近行程少。水經注。夏陽城內。家貧酒債多。知君新稱意。好得奈春何。

有周文王妃太妃墓。宰莘退食錄辨之。見雜記。

層次是文家要法。

有城郭則險設可守。而官署次第置焉。縣署今在城中央。

據舊志。建自明。洪武三年。縣丞康世傑。前無考。宏治三年。

知縣張鶴重修。嘉靖二十四年。知縣李夢。又大修之。改作

大門於正南。初治門在巽方。卽鐘鼓樓下門也。

國朝康熙十七年。知縣成周璧。因署舊制。新之。四十二年。

知縣錢萬選。構盤鑑居於署內。其餘堂室。又一新焉。乾隆

三十二年重新之者。今知縣席君奉乾也。

鐘鼓樓。今在縣署大門東偏南。向明。洪武七年。縣丞李魁

建者。

鞏昌府咸縣丞吳郡盧常記曰。郟陽卽漢之馮翊。境大壤沃野。居陝西諸縣有北年以來。兵燹之餘。門闕

監庫樓觀弗節。於以納天子之命。出令行他朝。夕吏率往來。簡陋不中程度。六年冬。廣西李魁來。丞是邑。明年政成。封內時豐。聚財積篲以新之。乃命吏揆時。庀徒以奮。以築以繩。以甃門阿。是經。樓觀是營。不督不期。役者自勸。自七月始事。至十月畢工。崇墉囑興。重簷相聯。壯不及僭。麗不及奢。憲理政事。於是伐鼓鳴角。以警昏聩。邑之人士咸易聽觀。莫不喜悅。推美夫理必有隆。不得而緩。政必有舉。不得而廢。丞於是。有之矣。宜勒石以書其實。使後之人於云有攷。燹先上聲。野火也。

庫音陞低小也。

國朝乾隆二十八年。知縣梁善長重修。

縣丞署。今在縣署左。

主簿署舊亦在縣署左官裁後署改為公廨音介官舍也

典史署今在縣署右

倉庫及獄分曉皆隨縣署設者即附之

倉在縣丞署左前志預備倉二十有八間今日常平倉八

所共五十有九間貯麥穀五萬石社倉七所雍正六年建

在縣治西北壽聖宮者一餘在四鄉見村鎮共貯穀九千

七百三十石有奇麥四百五十石有奇

庫在縣正堂西

獄在縣二門內西

教諭署在儒學明倫堂東南

訓導署即在教諭署西二署創建無考乾隆三十三年今知縣席君奉乾倡修。

駐防把總營舊在西郭雍正元年移城東門內卽明按察

司行署也。行署舊名分司。洪武三年建。

明副使李昆巡縣詩有迢遞邠陽路

十步九屈後嘗改爲潼商道行署。

布政分司及府行署舊俱在縣署東。府行署明正德九年

建。後改爲布政分司。又改爲邑令彭公祠。今爲講約所。舊

布政分司。明洪武二年建。後改爲察院。至

國朝順治九年。改建棚爲督學試院。未幾。又改爲韓邵營。

營廢後。至康熙三十六年。知縣郭峻。又改建元聖祠。詳見

後。

稅課司已革。

醫學在縣署西。惠民藥局在縣署南。俱廢。

陰陽學舊在縣署東。已廢。道會司舊在太清觀。

觀在城南東北刻

莫考。明隆慶間。邑丞華雲葉公。日與士子講藝論道。嘯詠其中。後撫陝右。捐俸葺之。貢士范堤記。

今無定

所僧會司舊在光國寺左。

寺建於唐初。在今縣治西。國朝。邑諸生李穆有誌。乾隆二十

八年。知縣梁善長重修。

今改為觀音堂。而僧會司亦無定所。舊有官

曰壽聖。在觀音堂北。

養濟院在縣治西。

育嬰堂。即在養濟院。

申明亭舊在縣署左外久廢前令梁善長重建

旌善亭舊亦在縣署外久廢

諸急遞舖總舖在縣治南迤西南曰蔡莊舖曰和家莊舖

曰吳莊舖曰雲井舖抵同州迤東北曰織布舖曰童家莊

舖曰百良舖曰太棗舖抵韓城曰五里舖曰高家莊舖

演武教場在衙門外二里許

漏澤園在北門左外

廟祠之合於祭法者不分鄉縣以古今大小爲次而統志

焉餘則隨地附之矣

大禹廟二邑人居近河又以梁山在封內故不能忘其

河甸山之德而廟祀之也。一在梁山絕頂。康熙三十一年

邑康孝廉乃心募建於二十四峯之中。未幾災後改建山

巔。有乃心子明經无疾所撰。重建禹王石洞並山麓行宮

募疏。疏曰。梁山在吾邑城之北四十里。春秋公羊傳。梁山

云。甸治也。神禹導河積石。鑿龍門而河始東。龍門實據梁

山之左。蓋自雍而青而兗。以迄益州。錫圭底績。漸被之德

以洽。然則甸梁山者。殆治水之始基耶。先君子恥齊先生

之巾。荒忽寂歷。聖王靈爽。或式憑之。願從無有起而祀之

者。生平抱此遠懷。時用取取。歲壬申。始與山麓諸村之同

志者。募諸四方。遂於二十四峯之中。建玉廟。肖玉像。歷三

載。始竣其功。鳴之當事。載在春秋祀典。又於九月之杪。創

立賽會。香火鐘鼓不絕。為長久計也。且夫天下事。其見之

經傳。係於人心者。為正。正則人情多。緩視之。故成之也。雖

即成矣。其趨於敗也。亦恆易。嗚呼。此大禹之尊廟。所以不

旋踵而不賤於火也。豈不痛哉。先君子及諸父老。十餘年

竭蹶之勞。一旦。積於狗鼠。弗食之。輩。神人。同。憤。行。道。場。此。疾。不。肖。移。爲。展。結。於。無。可。如。何。已。耳。容。歲。秋。冬。間。山。邨。諸。故。老。乃。謀。興。復。其。事。於。山。之。巔。改。砌。石。洞。以。爲。久。遠。之。圖。又。欲。於。山。下。之。小。邨。創。建。行。宮。數。楹。息。長。厚。矣。領。工。雖。托。始。而。成。就。爲。難。是。不。得。不。望。於。當。代。高。賢。碩。士。以。名。教。爲。已。任。者。知。此。山。之。祠。神。禹。攷。之。經。爲。確。據。稽。之。祀。典。爲。崇。本。始。以。正。人。心。卽。凡。四。方。之。鄉。耆。童。孺。亦。誰。非。食。夏。后。之。明。德。者。積。土。成。山。聚。流。以。爲。海。庶。幾。亂。雲。峭。壁。間。渾。如。大。荒。冥。漠。至。人。之。精。靈。復。於。千。萬。世。後。以。相。髣。髴。其。所。係。於。修。舉。廢。墜。豈。凡。右。蹟。名。勝。之。可。同。日。道。哉。疾。不。肖。以。先。君。子。之。倦。倦。於。此。也。遂。自。忘。一。在。乳。羅。山。西。峯。明。萬。歷。間。毀。固。陋。而。疏。其。緣。起。如。此。

諸生范灼重建

元聖祠。今在縣署東。卽明布政分司。康熙三十六年。知縣

郭峻。移祠於此。祠舊在明倫堂西也。四十二年。知縣錢萬

選。復擴其制。大興王或菴源記。記略曰。歲甲申。源過郟。郟。陽。古。有。莘。國。元。聖。故。里。

也。其祠久微。邑宰錢君構而新之。使源爲之記。考孟子是
氏。註未詳有莘在何地。而疏引左傳以爲滎陽。括地志以
爲陳留。夫滎陽東魏。非西魏也。神降於莘。西魏之邑也。非
國也。滎陽之說誤也。兩漢地理郡國志并未言陳留。爲
莘國。則陳留之說亦誤也。豈若洽陽渭溪之莘。確
有所據。爲可信哉。元聖之誕生此地。固無疑者。雍正七

年知縣朱開聖重修。又二祠一在尹莊。一見地理村鎮。

四聖后廟在縣西門內。縣舊有三后廟。隆慶時創於縣令

李希松。三十餘年始成。於後令劉應卜有萬歷三十八年

禪園子監學錄。車朴撰。三后者湯妃及太任太姒也。崇正

八年。范令志懋見志有絲娶莘女之說。遂增入禹母爲四

后廟。有記。後又有康孝廉乃心記。新志云考大明之詩。傳
賜寫有慈太姒爲莘女。

固無疑者。詩又曰。摯仲氏任。自彼殷商。來嫁于周。毛傳謂
摯國任姓之女。在殷之畿內。故宋志云。摯國在周之畿內。

世太任爲國之妃。非有莘之女。甚明。邠人但以詩與太
妣同詠於一篇。故亦從而祀之。祀之何傷乎。但亦以爲莘
女。則不可耳。湯妃有嬖氏女。中壘諒非無據。有嬖卽有莘
無不可者。湯妃之爲莘女。雖不若太妣之確。然亦烏知其
不然也。至於禹母。亦以爲有莘之女。此史記註所引系本
荒唐之說。非正史也。又引帝王紀云。鯀妻修己。拆胸而生
禹。亦荒唐之說。恩謂系本及帝王紀。必有所據。舊志又有
不得橈指爲荒唐。從范令增入禹母。似亦無礙。舊志又有
太任廟。太妣廟。俱在夏陽。又有四聖母廟。在莘里村。
文廟在縣署東南。宋元祐間。知縣李百祿建有記。見儒學
係時彥撰者。石刻尚存。非張价撰明矣。新志云。明洪武二
年。知縣徐原復建。蓋元末已圯也。正德七年。張綸以其逼
於民居。擴之。嘉靖時。宋奎王納策先後相繼新之。廟之後
有塹。隆慶時。葉慶熊實之。萬歷三十八年。劉應卜以門外

大坊相壓。左右二坊在脇。移之。邑紳范副使燧。以泮池尊經閣未修。捐宅基。易地以增之。崇正元年。修泮池者。與氣也。十年。修。

啓聖祠者。范志懋也。

大清之初。復其舊於兵燹之餘者。莊曾明也。順治六年重修。

啓聖祠。尊經閣者。攝篆咸寧縣丞郭傳芳也。康熙七年樂飾而

新之。而又增置庖廡者。教諭葛文秀也。十七年自正德以後。

俱有記。而宏治九年。知縣趙維藩。鑄銅爲祭器。六百二十

有九。亦有記。予履任於康熙四十一年。謁

先聖廟。廟貌巍然。乃前令修未久。前令者郭君峻。於康熙

三十四年經營三載工始訖功不在前數公下大成殿五
楹廣得引之半三分其廣以爲崇擬其崇以爲修堦二尋
有三尺兩廡各十楹南北不及引二尺四分引之三爲庭
東西內門去堦引有一尋一尺夾陳松柏毳毼門外左漢
曹全碑南四分引之三泮池池從三尋有一尺衡倍從羸
三尺欄石橋石南至櫺星門三尋門外大坊相去五尋有
一尺東西二坊列岐旁塗墍丹雘無損獨

啟聖祠將傾予構而新之祠在

至聖殿東北名宦鄉賢二祠在外門內隆慶時縣丞葉嘉

熊建也

劉應卜記略曰余宰郟陽方視學肅謁先師集
青衿訪人文盛衰匪獨甲第寥廓乙榜不見收者

已七科矣。余觀然周視學宮。見樞星門外僅二步許。卽有大坊。壓之。西有鳳麟呈瑞。東有河嶽鍾祥二坊。然不在大門外。東西而在宮牆之腋。越歲。毅然決之。獨見。移大坊於正南二十步外。二坊置馳道東西。宏敞豁遠矣。大坊南一水。隔亘。以爲外泮。橋之。達城南墻。橋南一坊。顏曰月衢。登級登城。東行三十步。爲文昌閣。又東百餘步。爲魁樓。城東南隅也。丙泮傍有二溝。惡其相射也。塞之。名宦鄉賢二祠。在二門內。非制也。外移之。明倫堂久圯。越三月始成。兩齋又隔年始就。元聖祠亦次第舉焉。始萬曆戊申三月。訖庚戌四月。是舉也。率愚意創建。而是科已酉。遂有得僑。蘇者。夫禮陶樂淑。深於作人也。修學其淺者耳。砥德礪行。於立品也。撥科其粗者耳。愚姑爲其淺者粗者。所恃書於童。藏修游息於斯。以副明王之求。後先相望也。因述其事以記之。王進士又旦記曰。爲政有法。法之善者。愚人可以守。爲法先教。教之善者。歷千百年而長治。故古人立學。所以爲教。訓之以孝友。馴睦之旨。以馴其性。性馴則化洽。化洽則教成。教成則無餘法。山谷之鳥。初入樊籠。習習。其四隅。氣結煩冲。久之念稻粟之恩也。放之而不去。其性既馴。而於中無所不足也。然則古人之先務可識矣。今天子甫親政。卽議幸學。天下熙熙然。

經歲不就。公率役開濬齋戒爲文告神。遂竣。又奉命修闕中。通志上下數千年。記其人物節義。土產地利。與夫因革興衰之故。聲名溢於郡。至是代吾。卻清賦役。易風俗。除闕門。芻豆之累。爲人立法。人歌於塗。而初下車。先理學宮。爲設教之端。則所前木。遽音渠。轍音孽。高貌。雍正七年。修謂有道者矣。

廟學者知縣朱閑聖。乾隆三十二年重修者。今知縣席君

奉乾。其記略云。乙酉冬。承乏斯邑。謁至聖夫子廟。見有

明倫堂及東西坊。而尊經閣及兩廡戟門。鄉賢名宦忠孝

等祠亦皆頽崩。戊子春。集紳士議新之。余力爲設措。落處

於八月。旣望且於明倫堂後。重見敬一亭。櫺星門前。增置

照壁。次第煥然。余敢自以爲功。哉。贊是役者。學博王君。前

膏王君。廉選貢任欽國學生王賓。

康澗玉。李克仁。生員郭士容也。

啓聖祠在文廟東。唐貞觀時建。重修者已詳見文廟。

名宦祠在文廟戟門左。古今八祠。考七人。

鄉賢祠在戟門右。古今入祠者十有六人。

卜子石室在莘里村。康孝廉乃心有記。家記云。按史記魏世

藝由此得譽於諸侯。司馬氏通鑑稱文侯以卜子夏為師。

四方賢士多歸之。記所云。退老西河者是也。西河即吾郤

古地。以在冀州之西。故名。蓋子夏教授西河。實在於此。故

其稱石室者。至晉猶存。而陵谷遷易。去今千百載。不可復

尋。然今兩河之間。時多卜姓。亦有尚留其遺祀。或出李而

修香火者。而石室傳經。則確在吾郤。是以卒老之後。其埃

巋然。東臨大河。直以陵稱。乃汾并之間。亦號西河。而古知

非真也。何也。子夏衛人也。西河之號。古文尚書。辨記。汾之

為西河。隋郡名耳。詭跡古人。雖亦景行至。意而無如其所

訛實甚。何哉。古郤城之在東南河上者。古蹟崩缺已久。方

山薛氏試秦。亦時訪之。稱其石室學堂遺址。燕沒蓋已非

一日矣。康熙己巳。進士許公與其仲弟及李君濬。春借

石室於所居之莘里村。東南高可數丈。仰窺雲漢。頽閣

流肖卜子其中。衣冠劍佩。威儀儼然。又於其上祀文昌。與

星以應天象。昭文明焉。未就而許公捐館。舍奄忽已四十

餘年。癸未清明。許公令嗣。揆貢君帝臣李君舍嗣。諸生歲

正始合人事。踵而成之。可謂善述矣。河山子曰。吾觀有莘之野。地極靈異。梁山奕奕。自西北東。逶迤七十餘里。疊嶂層崖。至此忽開坦夷。一區大河奔繞。其前漢明如鏡。山曰飛浮。橫據中流。時隱時見。其平如華掌。皆嶮崎。倒垂。志稱子夏曾讀書其上。今暮雨朝烟。亦莫可彷彿。而石室既成。諸生以時瞻拜。懷古興思。風雅頌春。秋道文具在。班班可考。所云鄒魯文學。豈必遊而求之他邦乎。士苟有志。通經學古。毋背其師說。是卽聖賢之所期待也。卜子不云乎。賢親君友。必謂之學。又不云乎。聞夫子之道而悅。出見紛華盛麗而悅。是以得道而肥。從欲而靡。夫人亦在乎勉之爲已矣。

卜子祠在學宮南。卽舊常平倉址也。明崇正九年。知縣范志懋建。

關聖廟在縣治東。元以前建。明嘉靖三十五年。萬曆十七年俱重修。

國朝康熙十年。知縣成周。壁修寢殿。康進士體謙記。雍正八年。知縣羅仰鑑。重修前殿。乾隆二十六年。知縣梁善長。並重修。今三十四年。知縣席君奉乾。重修乾坤正氣坊。城隍廟。在縣治東。明洪武二十一年。縣丞楊敬建。宏治十一年。嘉靖三十三年。俱重修。

國朝康熙十七年。知縣成周。壁新之。乾隆六年。知縣白珍。重新。今三十四年。知縣席君奉乾。重修保障閣。及門外臺榭。東西二坊。榭前。又接構四楹。以擴其制。

風雲雷雨壇。在城南門外。

社稷壇。在城西門外。計地一畝伍分。

山川壇在城南門外計地三畝

先農壇在城東門外雍正六年知縣朱閑聖奉

旨建計地四畝九分內以四畝爲籍田餘爲壇址

八蜡祠在縣治南知縣陳思蕃建乾隆十一年知縣許

森重修

厲壇在城北門外計地三畝

馬神廟三一在縣署內一在縣治東一在縣治西

魁星樓在城上東南隅已見前

文昌祠在縣治西北明隆慶時知縣李希松建萬厯四十

六年知縣盧一麟修有記錦衣衛指揮同知楊汝堂撰

順治十年知縣葉子循重修康熙間張太史大有
邑人復修之知縣錢萬選記

獄神廟在獄內康熙五十八年修

蕭公祠在縣署東南乾隆十年知縣朱依霍修

忠孝祠在文廟西

節義祠在城東門內南向雍正六年與忠孝祠俱奉

旨建

名宦有祠矣而士民所不忘者又別祀之亦義也

明邑子葉公祠在東門外建於公去之後詳見萬曆
六年刊而使燹所換去思碑

國朝初重修有富平李檢討因篤記

記曰東粵葉公龍城先生嘉靖末出御史

直言出為邵陽丞嘗攝令事遷河南歸德推官以去去之日邵人士遮留境上幾不得行建祠俎豆公署之曰葉夫子祠詳載范羅岡大蔡所為去思碑迄今垂百年而感其圯也。有辭於明府李公明府義之會嘗府孫公左右之推吾交文學康子孟謀與同社生楊君仲彰董其役。師人遠近子來若赴其私卜日蘇其冠裳。易其至而舉春秋之祀。士駿奔唯謹。虔之如鄒魯。班白之老多奉楮絮奠祠下。問之則葉公有舊思於先人。其子孫咸泣涕沾襟。久而不能忘也。孟謀來西澗屬予記。予足跡半天下。所見遺燬祠至邑合止。未有及丞佐者也。漢朱仲卿之以番大祀祠。歷四百年不再見。而分寧之祀濂溪。鄴上元之祀明道。同之祀紫陽。皆以至簿。祁州之祀橫渠。以司法。舉軍官雖不離佐僚。彼四子固百世之師也。祀功祀賢。蓋兼焉。且予所睹近代之祠。率十數年。或三五年。即貴列上公。其人既去。若物故。而祠亦隨毀。間有存者。多鞠為茂草。木有能延歲世者也。况百年之內。改王改物。陵谷變遷。先朝之宗廟。國。懸帛無從。而葉公完飲一丞。其祠如靈光。雖然。其在。瀟盛。指河山之所呵護。誰能忘也。昔者方西京之廟。其

關雒大儒異世而同揆哉。公由侍御謫邑丞。當嘉隆盛時。左降官。每優游不事事。而公獨將母至郇。意固甚安。如范大參所稱愛民教士。不媿豈弟父母矣。萬歷中。公以少司馬持節吾秦之三邊。平寧夏逆賊。序拜劉東閣。擢御史大夫。世錄錦衣。史記其功甚偉。予又聞之康子。蓋龍塘爲姚江之學者也。而才氣勳名亦略等。誦其遺詩。雄剴加文成數倍。且夫葉公在郇。教人隨其高下。而多所成就。不啻主講學。其學比伯安爲淳也。公開府固原。郇人士猶從之遊。公亦曰。吾思郇人。郇之祀公。垂百年而弗衰。郇居然公之桐鄉。由百年以至萬年。公魂魄其樂此也。公宦秦。始於丞。而終於督府。舉其官。則宜曰督府。然祠郇祠也。郇人祠公。祀丞也。公丞郇而安於丞。若將終身焉。使公以郇丞終。郇人之愛公。祀公如故也。豈問其爲督府哉。孟謀又云。郇之文教得公始大。其後科名鵲起。遂甲左輔。而至今稱公。必曰夫子。庶幾周程張朱百世之師之義也。吾不敢易其額。仍舊書書之。旣見公之大有造於郇。且誌郇之多君子。其俗猶近古。並綴迎送神詞三章。俾其童子歲時肄之。歌以侑公。

後又有張檢討會慶知縣梁善長二碑不錄。

三仁君祠在縣治北康熙五十八年邑丞趙嗣隆爲明邑

先、並、提、以、下、却、不、並、序、其、事、

令范君志懋守府李君國政及

國朝西安司李秦君鏡保全郃民建也邑康明經无疾代

記先是康太乙孝廉祀三仁君於北城譙樓請諸當事附

春秋戊祭之列今祠仍其舊名志懋事見官師傳國政卽

、若、崇、三、仁、君、並、序、則、庸、手、矣、此、處、正、身、虛、實、先、後、見、長

附見焉秦鏡字非臺翼城人順治三年邑人有依山爲賊

○然非胸有成竹不能

者自稱官秩詭入城刺殺縣令張延禔縣尉丁同泰大開

城門奔入山谷邑丞馳報長安大將軍引兵至排列城內

各巷候炮發卽屠城關門道同州牧俱書名矣獨鏡先勝

攝郃篆不詳其年堅不允泣請曰郃民悉良民也官自

殺於民何與。且賊固有窟穴。請搜之。卽無願。以鏡全家百口與城俱斃。遂引大兵偵賊。行至梁山。下果見賊旗幟。招舞鏡大呼曰賊也。盡殺之。郇民由是得免。

學校載於廟祠。後者博士與弟子藏修之所。不當先於平日釋奠之廟堂也。而義學社學書院可類及矣。

儒學在文廟。北宋元祐間。知縣李百祿建。陽武時彥記。

郇陽邑小而僻。有爲者所不當至。至者以謂不足爲而不爲也。官事職業。不可須臾怠者。且廢不舉。因循不急之務。從可知。元祐辛未。有令來闕事。先後緩急。爲綱紀法度。以其序治之。累月。獄訟哀。農事勸。號令行。朝會應。邑用翕然稱治。越明年。理孔子祠。爲學舍。以教養邑弟子。且以來四方士。而邑之人。乃始相與疑曰。令實健矣。而更迂。奈何。令卒不顧。學克成。堂室齋廡。祭器什伯。略具。乃以書抵藉田令王實仲弓。求余爲之記。余曰。令不迂矣。夫學校者。禮義

政事之所自出。古之爲政者之所先務也。未流之弊遂爲不切於時。而間有傑然自異於薄俗之中。則彼不能者必點而咻之曰。是迂疏者。不然。俗吏邀名耳。地大人衆。且不免咻。則一邑之小。以是迂其命。尚何怪。然而孔子曰。十室之邑。必有忠信。如邱者焉。不如邱之好學也。十室至小邑耳。雖孔子不以小故無其人。况不爲孔子者乎。惟不知所以學。則雖大必廢。而彼小者。亦何足道。且天下十室之積也。治天下者在所積而已。今夫設官置吏。而滿天下。皆上之人所與治天下者也。顧惟縣令爲最親於民。後世縣令官小無權。而猥事擾之。使不得行。其胥中以與古人等。於是縣令始賤可厭。而士或俛仰爲然。而貴至則數日代去。別希其所欲。雖或才智不肯苟簡。然思有所作爲。而齟齬階級。勢不得便。或者凡庸。撻制要領。而妨忌兼至。尾勉聲氣。求閱朝暮。且恐弗暇。奚暇求其所以治哉。然則上之人。蓋亦不可以不知也。當使天下之士。不鄙小官。而爲之縣令者。有以自思曰。是百里。有民社。足以爲政。苟可苟。又曰。令可暫也。縣不可暫。上之人。所以委以與我者。爲能治之耳。必求所以治而不可暫。則豈特簿書期會而已。蓋將有以本教化。美風俗。善吾人。以士君子之道。然後出禮讓。舉政事。而無不可者。推一邑之小。以達天下之大。則其於

爲治也何有。孰謂知此而迂乎。合不迂矣。邑人其無是後
疑合。左宣德。郎河內李百祿。祐之。實予之友人云。

重修者俱見文廟。蓋廟在前。學在後。修則俱修也。其制與

他邑別廟之櫺星門內。卽爲學之泮池。泮之北爲戟門。戟

門之內爲東西廡。其正北爲

大成殿。廟制止此。自殿前左右旁門至殿後爲學東西齋。

而明倫堂建於正北。與殿直堂後爲敬一亭。亭後爲尊經

閣。閣後有折桂臺。學制止此。新志學統於廟。因其制耳。然

廟與學異。故余仍從舊志分焉。而先廟後學。則又與舊志

不同。例而於新志之義。亦有合也。學弟子員。舊額每歲

八十有二人。順治十四年。知縣徐起霖。請廣其額。增

雍正八年督學潘公允敏又增五人與府大學等處田賦
千畝詳載田賦

義學舊無專所

諸社學舊亦無專所不載俟後之加意於此者因興而
置焉

論曰義學爲貧不能學者設也社學則隨里社而設卽古

黨庠術音序之遺今城內又設古莘書院矣愚謂里各置

此論

有

益

學

校

人

才

不

小

且

極

易

行

社社各有師聚童子而授以朱子小學義學亦然年十五
授其秀者肄業書院中延名師倣朱子白鹿洞規教之人
才其日興乎賢宰必加意於此

西河書院在儒學南。明隆慶時知縣李希松建。至崇正間知縣范志懋改建卜子祠。

古華書院在元聖祠後。乾隆二十年知縣楊發智建。二十

六年知縣梁善長補葺之。有記。記略云皇上御極之二十五年冬

十月。余自白水調任仰陽。謁廟後。即詢知書院膏火出自邑宰。諸生時聚時散。余曰。書院者。養育人才之地。磨礪

風俗之原。我

皇上所諄諄諭守土官留意焉者也。教化不興而遽欲治之。少如乎古人。不能也。今可吝此區區者。而不加之意乎。因白。請。翻。憲。約。亭。李。公。達。於。道。憲。司。垣。屠。公。聘。孝。感。進。士。程。君。明。昱。者。為。山。長。擇。邑。之。英。俊。士。肄。業。其。中。今。已。二。年。云。余。嘗。覽。命。邑。書。院。故。在。學。之。南。明。隆。慶。間。李。君。希。松。建。後。改。為。公。署。遂。久。未。議。立。歲。甲。戌。今。太。冢。宰。榕。門。陳。公。再。撫。陳。因。事。至。館。以。劍。建。書。院。命。署。令。談。君。恕。行。親。行。相。度。得。地。於。元。聖。祠。後。方。廣。三。畝。九。分。有。奇。洎。巴。陵。楊。君。發。智。繼。任。乃。募。金。庀。材。誠。古。興。役。為。講。堂。三。間。後。室。三。間。左。右。

各十四間堂前藩以垣墉穴其中爲門如月形門之裏
 偏闔甬道爲坊二是舉也楊君王之計其金一千有餘
 造於乙亥春二月至臘畢工余至備之明年冬撤月門而
 高其閉閣架以四楹棗臺畫楹略與講堂稱又於堂東
 隙地爲翼室各二間內之西邊爲行閣入房三間旁附以
 廡又撤其兩坊築四齋爲大門臨德門與元聖祠等顏曰
 古莘書院告成於癸未之十月也門闕憲標甍甍階陛或
 更易之或飭新之其經史各籍與夫一切器物咸爲備置
 夫事不必其專成力不必自己出余非發踵增也前人之
 有待者余爲終之而已是舉也計其金幾半于邑民輸三
 之一楊君卒於任書院故三十二年今知縣唐君奉乾捐
 無算余乃述其顛末如此

輸膏火有記

今記略云

聖天子右文廣教一道同風雖在僻壤遐陬莫不有學邨
 邑古莘書院前令梁君曾設舉此延師講貫諸生肄業者
 皆斐然可觀惟是膏火歲費數百金書院僅有薄田頃餘
 租課幾何甚非所以示常久乙酉冬余蒞茲土見濟濟英
 才皆堪有造而民風亦復尚義崇文因思竟前令未逮之
 志捐得銀三千有奇詳明上憲各見嘉許余方愧無字

未能稱職。而竊喜此邦人士之量。力解囊。其以此。券置
其注交商營息。公議廉正之人。稽其成數。俟有良田。券置
之。以垂永遠。無患侵那。不致虧缺。去年秋。余塔徐進士。貢
以視余來節。卽欲東歸。縉紳先生。謂主講虛席。咸請就館。
然余更有爲多士勉者。毋趨浮競。毋尚虛文。田若干畝。見
本未交修。人推重焉。是則余之所厚望也夫。

田賦